

**CENTRALNA BANKA  
BOSNE I HERCEGOVINE**

Broj: UV-150-01-1- 2677-4/19 SR

Sarajevo, 11.11 2019. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (2) Pravilnika o javnim nabavkama, broj: UV-122-01-1-11/18 RJ od 30. januara 2018. godine, Upravno vijeće Centralne banke Bosne i Hercegovine na 13. sjednici od 31. oktobra 2019. godine, donosi

**O D L U K U**

**o izboru najpovoljnijeg ponuđača u postupku javne nabavke robe – električne energije za potrebe Centralnog ureda Centralne banke Bosne i Hercegovine – lot 1**

**Član 1.**

Centralna banka Bosne i Hercegovine (u daljnjem tekstu: Centralna banka), ugovor za nabavku robe – električne energije za potrebe Centralnog ureda Centralne banke Bosne i Hercegovine – lot 1, na period od jedne godine, dodjeljuje ponuđaču JP Elektroprivreda Bosne i Hercegovine d.d. Sarajevo, u svemu prema ponudi broj: 03-4-41-51606/2019 od 23.09.2019. godine.

**Član 2.**

Ponuda ponuđača iz člana 1. ove odluke, glasi na iznos od 152.588,00 KM bez PDV-a (slovima: stotinupedesetdvijehiljadepetstotinaosamdesetosam konvertibilnih maraka i 00/100), odnosno

178.527,96 KM s uračunatim PDV-om

(slovima: stotinusedamdesetosamhiljadepetstotinadvadesetsedam konvertibilnih maraka i 96/100)

**Član 3.**

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke, zaključiti okvirni sporazum na period od jedne godine, za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine.

**Član 4.**

Centralna banka će o rezultatima provedenog postupka javne nabavke obavijestiti ponuđače.

**Član 5.**

Za realizaciju ove odluke zadužuju se Odjeljenje za računovodstvo i finansije, Odjeljenje za zajedničke poslove i Odjeljenje za javne nabavke Centralnog ureda Centralne banke Bosne i Hercegovine.

**Član 6.**

Ova odluka će se objaviti na web stranici Centralne banke [www.cbbh.ba](http://www.cbbh.ba) istovremeno s upućivanjem ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

**O b r a z l o ž e n j e**

Postupak javne nabavke robe – električne energije, putem otvorenog postupka, pokrenut je Odlukom broj: 150-15-4-1513-12/19 SAK od 30. augusta 2019. godine.

U skladu s tim, Centralna banka je 6. septembra 2019. godine na portalu Javnih nabavki objavila Obavijest o nabavci broj: 1370-1-1-475/19.

U predviđenom roku za dostavljanje ponuda, blagovremeno je dostavljena jedna ponuda za nabavku električne energije za potrebe Centralnog ureda Centralne banke Bosne i Hercegovine – lot 1, ponuđača navedenog u članu 1. ove odluke.

Komisija, nadležna za provođenje postupka javne nabavke, je izvršila pregled i ocjenu pristigle ponude i zaključila da pristigla ponuda ispunjava sve kvalifikacione uslove tražene tenderskom dokumentacijom. Takođe, imajući u vidu da je iznos ponude iznad procijenjene vrijednosti nabavke, pribavljeno je i mišljenje nadležnog Odjeljenja za računovodstvo i finansije, o obezbijedenosti finansijskih sredstava za realizaciju ove nabavke.

Komisija je, Zapisnikom o pregledu i ocjeni ponuda, broj: 149-15-4-2430-6/19 i Izvještajem o radu s preporukom, broj: 149-15-4-2430-7/19, oba od 7. oktobra 2019. godine, dala preporuku kao u dispozitivu.

**Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

Predsjedavajući Upravnog vijeća  
Centralne banke Bosne i Hercegovine

GUVERNER  
dr. Senad Softić



Dostaviti:

- guverneru;
- članovima Upravnog vijeća;
- viceguvernerima;
- Uredu glavnog internog revizora;
- sekretaru Uprave i Upravnog vijeća;
- Odjeljenje za zajedničke poslove;
- Odjeljenju za računovodstvo i finansije;
- Odjeljenju za javne nabavke;
- u spis predmeta;